


Maaya dɔnniya nininida

Jama

Boko 9nan - 1998 San



Mali kanw
ni
demokarasi

ne 4

Adamaden ka haksw
dantigelikan

ne 3

An ka kanw jɔyɔrɔ
kunnafoniko la ne 5

ne

Joro !

E ! Kabogora Jabori moden
 E ko ne kana joro
 O tuma e ne te dijne na bi de
 Waati ka koba jiwoyo ye kunun bilasira
 Bi bangenra ka ke nona ye
 Adamadenya nomijiran ma bo tugun
 Ko nomiji bonna
 I n'a soro e m'o men folo
 "Firinkan" ni "balanna" ye dijne kono tijen
 Denkundi ma bo bilen
 Bawo den ma wolo
 Adamadenya forobaw tun nokisedanna
 U tun korsiyenna
 Sanji tun woyora
 Nka jotige ma se ka ke
 Bawo konya ni baganya jera
 Ka foroba ninnu halaki

 E ! Kabogora Jabori moden
 E ko ne kana joro
 O tuma e ne te dijne na bi de
 O tuma e m'a men ko jotige ma se ka ke
 E m'a men ko jiginew montanyara
 Ko tasuma ma don Gabugu kono tugu
 E m'a men ko baramaw ma nununu
 E m'a men ko kongo firila dugu kan
 Ko saya kera
 Ko kaburu senna

Ko adamaden sudonna
 Ka bagan falen
 A ka dijne mara
 K'a wulugen
 K'a falibugo ani
 K'a waradun

 E ! Kabogora Jabori moden
 I ye n ka joro faamu sisan
 Bi balimayaw laje doron
 An ka korfow dulon
 I ne te bi balimayaw kelen na
 Ka sutara taafe fara
 Ka nogonlebu papulow wasodon
 Ayiwa n'i ne te o fana na
 Sankolo laje ke
 San finnen don
 A ka kan ka na yanni dijne fitirida ce
 A bena bana kele
 Ka kenye lana
 Dijne na kenye gegege
 N'o kera sa
 Ne na n ka joro syesansana dulon
 Ka yele n'i ye
 N'o te bi yele te se ka ke
 Dijne ka kuna i ko jalaji silen

Yaya Jalo

DAKUN

Joro	ne 2
Adamaden ka haké dantigelikan	ne 3
Mali kanw ni demokarasi	ne 4
An ka kanw joyoro kunnafoniko la	ne 5
karamogo bila ka baro	ne 6
Geregere ni fasoko	ne 7
Cesirijala	ne 8
tubabuw ka boliw	ne 12
Sumanikalan	ne 13
Tunfiyeku	ne 17

SEBEN NE KULU

Seben kuntigi
 klena Sanogo

Kulu Nemaa
 Ba Jakite

Sebenkelakulu
 amadu Tanba dunbya
 Ceman Jara
 mamadu Iamionn kanute
 Mamadu Dukure
 Isa Njayi

Seben jesenbolo
 Amadu Tanba Dunbuya

Masinnasebenni: Jamana
Labugunni: Jamana

Adamaden ka hakew dantigelikan

A sariya fōlō : Adamadenw bēe ye hōrōn ye ; bēe ye kelen ye danbe la ani sariya la.

Sariya 2nan : Adamadenw ka hakew ka kan bēe ye : siya bēe ka kan ; farafin ni faraje ka kan ; cē ni muso ka kan; faantan ni faama ka kan; miiriyaw bēe ka kan, polotiki-siraw bēe ka kan.

Sariya 3nan : Mōgo si kana bōne a ni na ; mōgo si kana bōne a ka hōrōna na ; bēe ka kan ni lakana ye.

Sariya 4nan : Maa si man kan ka minē jōn ye ; jōnya ni jōnjago haramunen don, a sugu o sugu.

Sariya 5nan : Maa si man kan ka jani a farikolo la maa wēre fe. Nijuguyawalew ni danbetinewalew kōnnen don.

Sariya 7nan : Bēe ka kan sariya nē kōro wa sariya ka kan ka bēe lakana fana.

Sariya 9nan : Maa si man kan ka minē ten k'i datugu wali k'i gen ka bō jamana kōro kasōro kun t'a la.

Sariya 10nan : Bēe yamaruyalen don ka t'i makasi kiiriso la. Kiiritigelaw fana wajibiyalen don ka a ko kiiri kene kan, ni tlenneja ye. U tē fangatigi nē file, u tē nafolotigi nē file. U bē jo di jotigi ma ka jalaki bin jalikitigi kan.

Sariya 11nan : (1) Ko mana da maa o maa na kasōro kiiriso m'a ko jaalatige ko nkalon de dar'i la wali ko tijē don, o tigilamōgo bē jate i ko son t'a la fo ka taa se kiiri tigekan fōdon ma. A tigi yamaruyalen bē fana ka mōgo ta min b'a lafasa. (2) Maa si man kan ka nangi ko la, min tun tē kojugu ye a ko kētuma. Kojugu kera waati min o waati sariyaw ye nangini min fō a la, a man kan ka teme o kan.

Sariya 12nan : Hadamaden yērelagundo, maa wēre si man kan ka dankari kē o la. A ka denbaya ye sutara ye; maa wēre kan'o dankari. A ka so ye sutara ye, maa yeleke kan'o dankari. A ka batakiw ye gundo ye, maa wēre kana olu dayēle. A danbe kana lakari, a mankutu kana tijē maa si fe.

Sariya 13nan : Jamana kōro, bēe yamaruyalen don ka taama dugu ni dugu, k'i sigiyōrō sugandi yōrō min man'i diya. Bēe yamaruyalen don ka bō i ka jamana kōro wali jamana wēre. Bēe yamaruyalen don fana ka segin i ka jamana kōro wali jamana

wēre.

Sariya 14nan : Tōnōni barika mana bona, bēe yamaruyalen don ka t'i yēre kalifa jama-na wēre la. O yamaruya bē wuli n'a sōrola ko a tigilamōgo kēwale ye sariya sōsō, jamana bēe jenna ni sariya min ye.

Sariya 15nan : Adamaden si kana fason-tanna; bēe ka kan ni jamana dō denya ye. Si ka jamanadenya tē se ka bōsi a la nōgō kan. Wa bēe yamaruyalen don fana k'a nini ka kē jamana wēre den ye, k'i ka jamanadenya falen.

Sariya 16nan : (1) Adamaden bēe ka kan ni furu ye n'i balikuyara. Siyawoloma ni jamanawoloma ani diinewoloma kana kē a la. Sariya ye bēe damakēnē furu nēkōro ani furu kōro. Hali furu wulili, sariya ye bēe damakēnē. (2) Furū tē se ka siri ni furubaa dō la kelen ma jēn n'a ye (3) Denbaya caman de bē fāra nōgōn kan ka kē dugu ye; dugu caman de bē fāra nōgōn kan ka kē jamana ye. O de kama fanga yēre ka kan ka denbaya lakana.

Sariya 17nan : Adamaden bēe ka kan ni fēntigiye ye, ani jamakulu bēe. si tē bali ka kē fēntigi ye diyagoya la.

Sariya 18 nan : Adamaden bēe b'a yēre ye a ka miirisira n'a ka taasi n'a ka diinē na. A yamaruyalen bē fana k'a ka diinē falen; a dalen bē ko o ko la a bē se k'o falen n'a y'a diya. A yamaruyalen bē k'a ka diinē baaraw kē kene kan wali dogo la; a dalen bē ko o ko la k'o fana waleya o cogo la. A yamaruyalen bē fana ka mōgo wēre kalan a ka diinē na an'a dannakow la.

Sariya 19nan : Adamaden bēe yamaruyalen don k'a ka miiriya n'a ka hakilila da kene kan. Maa si man kan ka jōrō k'i y'o kē. Maa si man kan ka nangi k'i ye kunnafoni ni dōnniya nini ani k'u jensen cogo o cogo y'i diya, yōrō o yōrō y'i diya dijē kōro.

Sariya 20nan : (1) Adamaden bēe yamaruyalen don ka fāra nōgōn kan ka nōgōnyē kē, wali ka tōn sigi sen kan. (2) Maa si tē se ka wajibiya ka don tōn dō la.

Sariya 21nan : (1) Adamaden bēe bē se k'i sen don a ka jamana forobakow nēmōgoya la. Maa bē se ka kum'a tōgō la o kene kan a ye maa min sugandi. (2) Adamaden bēe ka kan a ka jamana forobaaraw la. Fanga sigilen bē jama dungō de kan.. Jama dungō fāna bē jira

(A tō bē Nē 19nan na)

Mali kanw ni demokarasi

I. Dantigeli

Leninn juman na, n'i b'a fe ka yelema miiriya tigilamogow faga,
- i b'u ke boliw ye boli minnu te fen ke mogo la, wali
- i b'u ka mankutu juman ninnu lakali kasoro i yere sigilen be suma na, wali
- i b'u ka miiriya juman ninnu ke minen lankolonw ye, muruti dusu ni dijne yelemadusu min b'u la, i be olu bon ka bo a la, wali fana
- i b'i ka kokecogó ni u ka miiriyaw fo nogon ko.

N'i y'a men ko Ablay Bari, a ka miiriya ko don. O miiriya be a togogn damadew la hali bi. Miiriya ninnu be tali ke fasojama yoro, ale min tun ye san 23 ke ka diyagoyafanga kelle, malidenw ma deli ka fanga min nogon ye. Ablay Bari ka o miiriya juman ninnu de lafililen be fanga kura tigiw fe bi.

O jaati de koson an kana farati ka jina jenogon ko an ni minnu jera kelle la, an kana farati ka jine fana misaliya ko u ye min to ciyen ye. A be se ka faamu cogo di, setanburukalo tile 22 ka teme kasoro an miiri ma se Ibrahima Li ma o fana te se ka faamu.

Bi koni, a wajibiyalen be an ka ke an togogn ninnu ka miiriya n'u ka misaliya siratmabagaw ye. O te je

- fo an k'an jo n'u ka miiriya ninnu ye,
- fo an ka sira jenjon jira denmisew na,

- fo an k'u ka misaliya jensen bee k'a don. O hakilina ninnu jensenni be se ka ke jama-lajerew sen fe san o san don kerenerennenw na, i n'a fo ka don do nesigi ko "Fasoden juman ka don", o n'a koro be nogon na.

Salifu Berete min be Miria polotikiton na, o ye Ablay Bari mankutu a ka seben do la ko "yorjannako yebaga". Polotiki te taa yorjannakow feere tigeli ko. Koba, ko sima, ko sebelama, nin si te se ka ke ni an m'an hakili jakabo ka taa yorjannakow ma k'u nesigi ni feerew ye.

Balan min b'an ka polotikiko la bi a ka c'a la, hakiliw de ka yeli tun ma se ka jana ni ka kow nesigi. O fijne bora fanga tigilamogow la; fijne bora fana fanga sinamaton bolofaraw la minnu be jate fasoden jumanw fe.

Je minnu tun sigira sen kan dibi la walasa ka musafanga dugujukoro kelle PMRD ni PMT - yali olu ka benbaliya de nana ni polotikiko geleya ninnu ye wa? Salifu Berete ka kuma be taa o de fan fe. Mogo caman b'a fo fana ko wotebaga fanba ka kulu ni a to ncinin ka kulu, olu ka benbaliya de nana ni polotikiko balan ye.

Fanga tigilamogow ni fanga sinamatonw ka nin benbaliya ju te doweré ye nin ko : hakili kuntagala suruna ani fana jine kera kelle kun ko, san bi joli ni ko kera kelle min na. Hakilina minnu y'an bila kelle in na, ni Ablay Bari ni tor'ala, togogn caman y'o hakili-

naw bila, o togogn be kulu fila in bee la : u be fanga fan fe, u b'a sinamatonw fan fe. Ka nin hakilina juman ninnu bila, ka don yuruku la, ani polotiki feere juguw, ka nogon togo tije nkalon kan, ani Janfa. N'an ko an be bona segin ka taa fure Ablay Bari ma, k'a ka hakilina sira-taama,

- fo an ka ke mogow ye minnu ka tilennenja te yogooyogo,

- fo an ka walew n'an ka hakilina folenw ka tali ke nogon na,

- fo an ka terisebeya, n'an ka tijetigiya, a n'an ka kanke-lentigiya, n'an ka demejogona ka don an ni jenogonw ce.

- fo an ka fara nogon kan ka ben hakilina kelen na min ye Mali ka sinjesigi hakilina ye. Hali ni kow lajecogow te kelen ye an bolo, hali n'an ka polotikisiraw te kelen ye. An te na se ka je ka wale sebelama si ke nogon fe fo a k'a soro n'an bennen don hakilina kelen na. Leninn ko tije doron de b'a to an na se ka dijne yelema bolo juman kan.

Ablay teriya n'a togonya koson, a tun ka kan n ka ko dow fo, bawo Fanga far'a sinamatonw kan, an si ka bi polotiki kecogo ni ale hakilina te ben. Ne koni y'a teri ye, teri min t'i ce ; wa n be n jo n ka fili n'a jalaki koro k'a d'a kan n tun sen be demokarasi ninibagaw la, n'o ye musafanga sinamatonw ye.

Nka "kumamugu ni janiya lankolon in nafa si te jama

(A to be Ne 11nan na)

An ka kanw jöyörö kunnafoniko la

An ka kanw jöyörö kunnafoniko la

91 san na polotikitow wulila ka Musa kélé mun de kama? ka jamana ke jemufanga ye, ka fanga forobaya, k'a ke bëe je ye. Ala y'an dème, Musa binna. A ko kéra jemufanga min kama o bëe ka sigi sen kan siratige caman na. Nyémogow ka jama kunnafoni jamana kunkow la, o ye jemufanga taalan ye. Jama fanba dun te tubabukan men. Jamana ko bëe dun jenabosira ye tubabukan in de ye halisa. O de kosoñ ne tun bëe a fe an k'an hakilinataw falen kunnafonidi siratige kan.

A b'i na fo fanga forobayali in nesinné bëe tubabukan menbagaw dörön de ma. Sabu kunnafoni minnu bëe jama kun kan olu bëe lase tubabukan de la folo yanni a ka lase an ka kanw na. Wa a bëe te lase an ka kanw na yere. Jamana kunko minnu bëe lase tubabukan na ani minnu bëe lase an ka kanw na, n'an y'o fila sanga i bëe t'a soro a tubabukan ka ca ni an ka kanw ye fo siye 10. San bi saba an ka jamana horonyanen k'o an marabaa köröw de ka kan ye jamana marakan ye; o kan de ka fisa Mali kan 10 bëe lajelen ye. Maa kalannen bëe sonn'a ma ko Tubabukan menbaaw te teme maa 20 kan këme na (20%).

An ka arajoso ninnu jöyörö ka bon kosebe kunnafonidi la ka nesin an ka kanw fobaaw ma. Nka halisa u to be k'o. Sabu ni kibaru 100 dira tubabukan na, kibaru 10 nögön de be tömo o la k'o fasari an ka kanw na. An bëe yörö min na i ko bi, jamana marabolo 8 bëe ka kan n'a ka arajo ye.

Gawo arajoso ka Mali kunkankow nefs köröböröw ye köröbokan na. Mocti arajoso ka fulaw kunnafoni fulakan na ninka bozow kunnafoni bozokan na. Tumutu arajoso ka surakaw kunnafoni surakakan na ani ka burudaamew kunnafoni burudamekan na. Maliden bëeka kan ni kunnafoni ye. Nyémaw kana jama kunmaliya kunnafoni ma sabu u ka nemaaya soro ni jama ka je de ye.

Ciké kibaruya ni baganmara kibaruya ka fo an ka kanw na o ka ni; o te dörön ye, nka a kana dan o ma; Jamana kibaru bëe ka lase an ka kanw na i n'a fo a be ke tubabukan na cogo min. Jemu caman bëe ke an ka foroba arajo la tubabukan na kasoro o tun bëe se ka fasari an ka kanw fana na. Sinima

nafama döw fana bc bo an ka foroba tele la olu tun bëe se ka fasari an ka kanw na. Aliman sinimaw fasarila fransikan na, an bëe o caman ye an ka tele la yan. O siratige kelen na, Mali delila ka shinuwa sinima döfasari bamanankan na ; o kéra kabini Modibo tile la mun na sinima sëbew te sogin k'u fasari n'a neci bëe jama ye.

Arajo ni tele ye jama kalanna sëbew de ye. N'an ser'a kécogo la, k'a ke jama sago ye, u nögonna kalanso te. An k'an jija an ka arajow ni telew kana ke jenajelan dama ye. Balikukalan bëe se ka ke tele la; n'i y'a mata-rafa ko numan, san fila dörön, i b'i ka kan kalan nink'a sëben ani ka jatew kécogo dö. Ameriki worodugu jamana döw kan, maa caman bora kalanbaliya la Ala ni tele y'a sababu ye. Kalan bolofara ka dögö min te se ka ke arajo wali tele la.

Anw ka tele bëe jenaje dö ke ko tubabukan na "des chiffres et des lettres". An ka kan si te desse k'o nögonna ke. Denmisén lamona kan min na, a bëe donniya soro teliya la n'o kan de ye. Sango kalan ni jenaje mana doroko.

Mogo döw n'a fo ko jemufanga ka taajé bëe sanga kibarusebenw caya fe. O te anw ka jamana ko ye sabu maliden fanba de te se ka o sëbenw kalan. Anw ka jemufanga ka taajé bëe soro an ka kanw foli caya de fe arajow ni tele la.

Wa kunnafoni nafama bëe, ani kalan bolofara bëe ka lase jama ma an ka kanw na, arajow ni telew la. Kalan bolofara minnu bëe wele sciences physiques" ni "mathématique" ani "philosophie" ni "biologie", nin caman labennen bëe an ka kanw na ka bilan. Polotiki némogow ka kan k'u yere wajibiya ka kuma jama fe jama ka kan na, o dörön de b'u yamaruya u ka taa kuma jama togo la. O siratige de la jamana sariyaw ni sariyabaju ni hadamaden ka hake dantigelikan ka kan ka nefs jama ye kan na, a bëe kan min faamu. A ka c'a la ninnu nefs baliya de kelen na ke ka wotebaaw dögoya fo ka n'a ke k'a te maa 30 bo këme na.

Jamana minnu bëe se ka jate bi ko u taal en, olu si ka netaa ma sabati ni walikan ye ; u bëe ka netaa jolen don yeredon kan. O taamasyen folo ye yerekan ye.

Amadu TANBA

Karamogò Sila ka barow

Maloya y'an danbe do ye

Maloya ye fënba de ye anw bolo. Maasëbëya ni jogonuman bëe sintin ye maloya de ye. Nka, bi nansara dòw ka miiri la, maloya ye fën ye min bë adamaden bali a ka jñetaa la. U ka maa kalannen dòw yëre y'a jira ko yasa adamaden ka sabati fo juru ni siri bëe ka tige ka bɔ a la, ka a ni daaba bëe ke kelen ye ; mogo si kan'a fo a ye ko "nin ka ji" wali "nin man ji". Mogo te daaba nininka maloya la, mogo te daaba nininka jogotijé na. Ko adamaden fana ka ke ten : i man kan ka nininka. Ko ladamu juru ka tige ka bɔ yen, maloya juru ka tige ka bɔ yen, siri bëe lajelen ka tige ka bɔ adamaden na. Daaba lablalen bë cogo min na, a fana ka labilalen. Ko min ka di a ye a k'o ke ; k'o de y'a ka adamadenya sabaticogo ye. Ninnu ye hakilinaw ye minnu bora Tubabula kosa in na ka se anw ma yan. Nin taasira in de ye kasara caman don Tubabula. Anw ka mogo dòw dun taara o sira de fe. Nka nin bëe ye hakili ka lanogo ye. Ni adamaden yëre sonna waati min na ka

bɔ adamadenya kono, ka jigin k'a ni wulu bëe ke kelen ye, tɔ te o kofe blen. Yali anw ka kan ka son o ma wa? Yali anw ka kan ka son ka nansaraw ladege u ka yeralabila n'u ka jogojuguya tòw bëe la wa?

Fen bëe te singata ye

Jenajeyorow bë nansarala, adamadenw te fini don yen ; u k'o yorow matarafabaaw ma ko "julankolonbila tigilamogow". Finidoncogow bë nansarala o ni finidonbaliya bëe ka kan : o be musoleebu de jira. Julajuguya sugu bëe be yen : i hakili bë min na ani i hakiji te se ka min ye. Ko o jogojuguyaw bëe ka ce ka don anw fe yan ! Ee, maanu, an t'an ka ko ladegetaw dòn ? An ka kan ka fen min singa ani an man kan ka fen min singa maa were fe an t'o dòn ? N'an y'an yëre dòn an b'an ka ko wolomataw dòn, an b'an ka falentaw dòn, an b'an ka singataw dòn, an b'an ka ladegetaw fana dòn. Anw ka maaya masiri ye maloya ye; an ka kan ka ko bëe ke ka maloya in sabati. An ka jøgɔn ðemë walasa maloya in ka to yen.

An kera baara o baara la, an k'an jija o kono, ka maloya sabati den ni bangebaa ce, ka maloya sabati marakelaw ni maramogow ce, ka maloya ni bonya sabati kalandenw ni karamogow ce. Nka ni fën were jirala min te nin ye, min bë maloya ban ka amadaden yëre danbe ban, k'a bɔ a ka adamadenya na k'a ke bagan ye, o ye lanogo ye, o ye lagosi ye an ka kan k'an yëre tanga min ma.

Kun jumén bë an ka bi jogotinye na ?

An ka kan k'an jo, ka miiri ka taasi, k'an yëre nininka. Jogoko b'an yëre bolo da jumén na bi ? An b'a la de wa ? Wali an t'a la ? Ladegelifénw b'an bolo cogo di bi ? An ka kan ka mun de to yen n'an t'o ladege ? Ni mogo min ye kòlosili ke, a b'a ye ka fo ko jogow koni bë ka tijé ka t'a fe. Denmisenw bë ka tijé. Mogo ka kan k'i yëre nininka kun jumén b'anw ka bi jogotinye na. Min de kera ni jogow bë ka tijé ten ? Fen min kera, o de ye karabali mara ye : k'i mara diyagoya la ani k'i ke jøn ye, o de kera. Ka na an mine k'an ke

Geregere ni fasoko

Nin jumasu dugutila in na, ne kelen de tun be an ka baarada soba in kono. Saafo selilen ko, n tun seginna baarayoro Wari minnu ka kan ka taa waribon na sini sogoma, ne tun be ka olu laben. Alamisa o alamisa Seeduba ka feereyoro tan ni segin ninnu ka dögökun wari bee be taa njogon soro Seeduba n'a denw ka ciyakeda njemogoyaso la. Nka nin dögökun in soro cayara kojugu fo k'a ke sufebaara ye n bolo.

Dugutila ma, su waati filanan, ce fila girinna ka da yele ni ka don n kan, n sigilen nin waribaden cela. Kamalenkoro sanfa dugufaw don, marifa dasurun b'u bolo. Filanan in koni ye Tipa ye, ne yere kanimike don.

- Tipa, a dun kera di ?

- Tipa t'i don su in na; a b'a ka baara la. I bolo fila da i kun k'i jo kerefye yan. N kan'i mankan men n'i t'a fe kise ka bo i nun fe."

N wulilen ko, Tipa gerela ni bore do ye, a be ka wari sirilenw ta k'u k'a kono. Kesu kono wari ni tabalikanwari bee yelemana bore kono k'a da siri.

- An ka taa. E fana ka na an nofe."

A ye ne noni ka bila u ne. Bodu tun tugulen don; ne y'o yele ni n ka konjin ye. An temeto yorokolosila ka sonin da la, n ne be ale sirilen dalen na, a be k'an temeto laje ; a da fana sirilen don hal'a te se ka nunan. U ye ne talitalima ka taa se n ka mobili ma ; o tun jolen be daba la. Tipa ye mobili sogolanw minne n na ka taa waribore in bila kofuru kono. N jolen ne be n ka baarada in bili warakalen na. A toli do wulilen don fo yeelen be ka bo o woba fe. An donna mobili kono doron, ce do in ye walani minne ka wuli ni kalanman ye.

U ka ko bee kera ni teliya ye i n'a fo u ma deli ka baara were ke nin ko. An kun be Kodabugu de kan sisan. Polosimobili do tugur'an ko ; an y'o lamunumunu ka tunu o la yanni koinin ce. An donna Sebetu kin kono

ka siraba bila ; an taara bolennin do fe. Mobili finman do tun be k'an makono yen. Dennin do de tun b'o walani na. An bora ne ka mobili kono ka don o mobili finman kono. Marifa surun do dalen be dennin sen koro k'a to walani na.

- An ka taa, Jami. Kan'a girin, n'o te maaw be somi.

- Nin ce in ye jonne ye ?(Jami ko ten).

- An taara ale de soro baara la yen. Tipa kanimike don. N'an tun y'a to yen a tun b'an kofe polosiw ye."

Mogo si ma kuma bilen fo ka t'an se. Jami in ye dennin finmannin ceji ye ; a kun n'a kan melekelen be musoro jeman do la. A ye majeto mene ka Yoro Jalo ka foli do k'a la ; n tulokoro la gwanna n'o ye fo ka t'an se an seyoro la. An temena Turela ni Bozokin na ka taa Lanfiyala. Mobili taar'i jo du numannin do da la. Da yelela, mobili donna. Tipa ye da tugu k'a sogo. Ce kelen doron de tun be du in kono; a si be san bi naani ni san bi duuru ce; mitarayeti marifa b'a kinibolo la. Sanu joloko girin do be a numanbolo la, do b'a kan na fana. Bazefini kan sogolen b'a la; o be ka yelenku kuran yeelen je la. A b'i ko Manden kono masake do denke folo.

U bee b'a wele "n koro"; ale de be soro u kuntigi ye. N ye Jami ye k'a lasaa yeelen na sisan. A be san bi saba bo; nka n'i te kolosili ke i b'a minne npogotigi ye. Pantalon bulaman do ni simisi bilen de tun b'a la ; dulki fara kulusi kan, a bee ye fini ferelenw ye a fari lahala te don minnu jukoro nka fini da gelenw don koni. Sanu b'a bolonkoni jan ninnu caman na k'o soninw bilen i ko bunbun feere. An donnan so kono, Koro jamanna u kunna k'a bolo sin ne ma :

- Munna nin nana aw nofe ?

(A to be Ne 9an na)

(Né 6nan tɔ)

jón ye an farikolo la ; k'an ni ke jón ye, k'an hakili fana ke jón ye. Hali an labilalen kofe, an hakili n'an dusukun maralen tora jónya na. Jóna dō dun ka jugu dō ye. I bē se ka mōgō dō ke jón ye nka a dusukun t'i bolo.

N'i ka jónya ani farikolo ka jónya

Nka anw ta in, hali jónnabla kelen kō, anw hakili coronnen bē jónya na halibi ; anw dusukun digilen bē jónya na halibi ; hali anw ni bē jónya bolo. Foyi tē anw yerelata ye. An ta tē an yere ye, an ta tē an hakili fana ye : sabu an tē miiri i ko an ka kan ka miiri cogo min na ; an tē lajeli ke an nē na i ko an ka kan ka yeli ke cogo min na. A bē jira anw de la "aw y'a ye nin cogo in na" ; a bē fo anw de ye "aw y'a mēn nin cogo in na" ani fana ko "aw y'a fo nin focogo in na". Anw sago t'an ka foyi la. O de kera anw na. Anw b'o de balawu kōnō bi. O de y'a to anw kera mogow ye minnu ta kera LADEGELI ye. Ka nansaraw ka siwilitasōn ladege. Wa a min fana bē jira anw na o t'a fan juman ye fana. Fan jugu dōrōn de bē jira anw na ; an b'o de ta k'o sinsin an yere fe yan.

Yali hakilina jónjón b'an yere la wa ?

San bi saba ni kō yere ta

kelen kō, an ka kan ka nōgōn nininka bi. An sera yōrō min na bi taako la (taajē tē dē, taako don), yali an yere b'a fe kā ke min ye o hakilina bē anw bolo wa?

N'i y'i yere dōn, i ye fen min ye i b'o dōn...

I b'a fe ka ke fen min ye i b'o dōn...

I bē se ka ke fen min ye i b'o dōn...

I tē se ka ke fen min ye fana i b'o dōn...

I bē se ka ke fen min ye, fen min bē se k'i k'o ye

I b'o nēnini k'o dōn...

O ka kan ka sōrō sira o sira fe

i b'o sira boloda.

Danbe nētaasira

Anw ye hōrōn ye bi, an ta kera an yere ye : hakilina jumēn de b'an na n'an b'a fe jamanadew ka kē o ye, n'an kelen be ka baara bēs lajelen nēsin o ma ? Yali o hakilina pereperelatigelen b'an bolo wa ?

N'an sera ka bēn o hakilina kan, an b'an yere nininka : Ladegelifēnw na anw-ka kan ka mun de ladege ? An b'a fe ka ke fen min ye, an ka kan ka mun de nini min b'an dēmē k'an lase o yōrō la ? An ka kan k'an ban fen jumēn de la n'o b'an bali ka se an seyōrō in na? fen jumēn bē an danbe la, an ka adamadenya na an ka kan ka min mara, k'o lakana, bēs

ka kan ka min kērenkēren k'o latanga, o ye mun fen ye?

**Karamogo Maadu Sila
(Ala ka hine a la)**

Cesirijala

E ! Adama bōson
I nē te dijē na ?
K'a fo anw ta na ke
Dununfō ye faden kō
Olu ka to ka nana
yawalew bange
Dijē ka ke olu ta ye kunun
A ka k'u ta ye bi ani
Ka k'u ta ye sini.
Ko farafinya nōgōn mōnō
jugu tē
Ayi lo te tīnē ye fiyewu
Hakilintanya de nōgōn
mōnē jugu tē
Hakili mēnna sunōgō la
K'a lawuli ten sa
Ka yeelen ke ka dibi
faligēn
Farafin ka se k'a faamu
Ko mōgō wērē tē na ale
bō dingē kōnō.
Ale yere ka cesirijala kō
Ntēnēn k'i cesiri
Ka tarata foroba kōrosiyen
N'o kera
bi na ke sini jigiya ye

Yaya Taraweles

(Né 7nan to)

- Ee... ne kaniméké don ; n tun ye min kofo i ye ke. Ee... an tun m'a dón k'an be t'a soro yen. Ee... a tun be yen ka wariw laben a ka biro kono. Ee... n'an tun ma na n'a ye a tun b'an kofo."

Koro kelen ko ka mankan ci u la, a ye bɔrɛ dayelé k'a kɔnɔnawari mafile. Jami donna ni dumuni ye k'o sigi tabali kan ani aseti naani. Ne y'a faamu o la ko ne niyoro t'a la. U taara ne siri sigilan do la ka taa dumuni ke. Tipa y'i kodon n na yaasa an ne kana ben. Jami de tun nesinnen be n ma. U be baro la buruburuburu i n'a fo u ma ko ke. Ko minnu kelen be ka jamana n̄emogow wuli k'u jo, u te kumana fosi kan o kɔ. U be nin kow bee kala ma i ko u yere sen b'a la. Dumuni bannen, Koro bora nka a ma men kenema; a seginna ni kibaruya do ye :

- N ka polosiké bora yan sisan. A ko nson dɔw ye Seeduba ka baarada bili waraka ka don ni k'a ka dɔgokun feere wari bee ce. Ko yɔrɔkɔlɔsila ye Tipa kaniméké ni nsonw ye n̄ogon fe."

O fɔlen, Koro y'i ne jo Jami na ka tila ka ne laje. Jami nana n foni ka dumuni sigi n koro duguma.

- E yere ye kuma men. A b'u kono ko e n'anw be je la. N'i bolila ka bo anw bolo i be t'i yere di polosiw de ma.

- Ne yere y'o faamu men."

Tipa nan'i jo n kerefe; a tun b'a fe ka kuma, nk'a ma se ka fen fo bilen. Ne fana y'a nininka :

- Tipa, mun y'i bila nin na? Ne ma baara do nini ka d'i ma wa? Yali o sara t'i bo wa?

- Baara bee n'a joyoro don. E de te nin baara joyoro dón fɔlo."

N tilalen dumuni na, u taara n datugu sonin do kono.

Sunogo bère ma soro ka ke, fajiri sera, kene farala. Jami nana ni daraka ye : kafe ni nburu narema ni syesogo. Jami y'i sigi n kerefe an ye baro ke ka n to dumuni na.

- Sogoma in na arajo y'an ka suro baara lakali. U y'a fo k'i n'i kaniméké tun be bin-kannikelaw nofè. Jaga, yɔrɔkɔlɔsila be Tipa

fana dón bawo ale be t'i nofè ka caya i ka baarayoro la.

- O koro ye ko ne ni Tipa de be ka nini polosiw fe sisan."

Jami bora. N tulo be dingesenkan na du kono. N tilalen darakadun na, n bora ka t'u soro kaburusen de la kogo kere fe. Nsonke filanan su dalen be, Tipa be dingesen na, Jami be ka bogò labo.

- A tun b'a fe ka boli ni wari ye suro ; n koro balal'a la a bɔto. Syenta yere ma men senna; n koro y'a faga a tège lankolon." Ne ye Jami bolobo baara la ka daba mine a la ; a ma fen fo, a taara n ka sonin kono. Ne ni Tipa ye dingue to lase, ka kaburuden bo. Tipa taara Koro wele so kono; o nalen an selila su in kan o k'o k'a sutara. An tilalen ko k'an sen n'an bolokanw ko, ne donna sonin kono ka taa Jami dalen soro. Sigifén wère tun te yen, n ye n sigi dalan senkorola la, a fana wulila k'i sigi kunkorola la. An ka baro senfe, a y'a ka dinelatige lakali n ye.

Jami n'a koro be nin baara sugu in na a san naani de ye ninan ye, kabini koro bora sorodasiya la. U te halala sonya, u te faantan bolofen min'a la. Olu ta be u ni gɔrɔkjago kebagaw de ce. Haramudunnaw ni kotigi tilenbaliw, a be u n'olu de ce. A ko wari min file u bolo, a be taa ke jamana kunmabokelé de musaka ye. Ne koni ye n ta ke lamenni ye. N ma faamuya bère soro u ka kow la, nka n dalen b'a la sisan koni ko Jami n'a koro te mogɔ lankolonw ye. N y'a faamu fana k'u sen be jamana maa murutilenw keleri la.

- N Koro ko a be Tipa ka pase d'a ma a k'an k'on kerefejamana do kan. Ne dun ma d'a la ko Tipa kelen be se ka taa ; polosiw be k'a nini. Ni ale dun minena se be ke an bee ma. Tipa be taa sini, n koro ni ne fana be jamana bila ka waati ke. E tenu se ka taa anw fe.

- Ni Koro tun sonna ne n'aw be taa ; polosiw be ka ne fana nini.

- E be son ka tugu nsonw nofè wa?

- Aw te nsonw ye; wa e fana ni muso tow te kelen ye."

(A to be Né 10nan na)

(Né 9nan to)

An sigilen tora ten fo ka taa ne sunogo.
Ségen fe n ye tile to bée ke sunogo la fo ka su kunkurun ke.

Koro yere de nana n lakunu ; dugu tun ma tila nka su koni janfara.

- Wuli k'i laben ; taatuma sera. "N tilalen seli ni dumuni na n ye Koro ségeré ; a ko : - N ka kunnafonina dō nan'a fo n ye ko négesirapolosiw ye Tipa miné téren kono fo dance la. Ko a ma son ka fén fo u ye folo. Tipé don Tipa ye cé farin ye ; nka tojoni sugu bée be polosi ninnu bolo. A men o men a be kuma u bolo k'an ko- Aw té nsonw ye ; wa e fana ni muso tow té kelen ye." fo."

Koro ko ne be se ka taa u fe ; a tun ye dugutaaminen bée ke mobili kono ka ban. An donna k'an sigi ; Jami be walani na a ka marifanin b'a senkoro, ne sigilen b'a kini fe. Koro taar'i sigi kofé k'a ka mitrayeti d'a kéréfe ; marifa jugu in. Ne kono gwannen, n dalen b'a la fana ko n tojogonw fana kono gwannen, nka a té ta si né kan. An ye faaba céci ka soro polosi si m'an lajo ; nasoro a b'u kono k'an ye dugu bila a menna. An temena dugu caman na an m'an jo polosiso si la. An bôto Cébaso dafe de kow tijena. Sira tun balamininen don ni sinsan jónima dō ye. Mobili do jolen don o sinsan kofé ka sira cétinge. Mogo si té kénéda la. Jami ye mobili jo ka furance jan bila an ni sinsan cé.

A ma yeelenw faa ; dibi tun be hali i té sira kéréfelaw ye.

Polosike fila girinbaato bora mobili in kofé ka mitrayeti ci an na. Koro ye kise k'u kan o yoronin bée la k'olu lada. Mugukan wére bora u fan fe; Jami ye da yélé ka boli ka don tu kono. Ne fana bolil'a nöfe n be k'a wele :

- Jami, Jami, Jami "

N tulo be senkan na an nöfe. Mugukan wére bora. Ta.ta.ta.ta... Ne yere binna...

- Jami, Jami, Ja

N né yelela ka n yere soro dalen fini jew ni dara jew la, so jeman do kono, so néemanen. Fileru be dagarin do kono n ka dalan kun koro, Jami togo sèbennéne be k'a

dulon o feerew la. Melekénin do be don-kabó la ka sumanw ni jiridenw sigi tabali kan. O suma dumannin ni feerew latikolón fiyekuto n nun koro, n nénatigéra. N bolo ni n senw girinyanen nka dimi té n kan. Jami donna ; surakadanpe suwalama meleke-lén b'a la k'a senkoro n'a kankoro n'e néremuguman ye. N tulo t'a senkan na, i ko fiye de y'a ta ka n'a sigi n kéréfe. N ye dumuni ke ka n dalen to; Jami be suman ta kudu la k'a don n da. Kow temena cogo min na n k'o fe a y'o bée lakali n ye : Muguci in ma diya polosiw la, a ma diya ne yere la fana bawo n bolo ni n senw joginna. Kisé si ma Jami n'a koro ke soro. U nana ni ne kirinnen ye Bijan-Worotu labitaniso in na yan ka ne furake. O sunogofuraw de kelen be ka ne nénamini halisa. Nin yoro ye jamana in némogobaw de furakeyoro ye ; faantan pentanciw té nin labitaniso kala ma yere. Koro ni Jami be je min na o némogóteri de ye yan Jamanakuntigi ye. (...)

Fo ka taa n kénéya Jami tun be na bo n ye don o don. N kénéyara nka halisa n té taama bere kó. Ko caman nénabora ne ni Jami cé ka n to furakeyoro in na. An ka kanu dara kéné kan fo an ye layidu ta nögon ye k'a ke furu ye n mana bo labitani tuma min. O duguje, Koro ni mori do nan'a suda n na ko furu be siri wulafe i koro. Morike ko u b'a ko tiliya walasa ka ne ni Jami kisi haramu ma. U y'a fo cogo min na a kéra ten. N bôdon lafiyaso in na, Koro ni n ka kono muso nana n nöfe watiri finman do kono. Soro dasifini b'u la ; o kelekefini nögon be mobilibolila fana na. An bora dugu kono ka don tu koro bolonbôlonnin dō fe, ka kilo fila nögon boli nin jiribaw jukoro hali i té tile ye. An taara bo kénéba do kan, sinsan kelen be k'a lamini ka anw yere ka jamana darapo ke a donda la ; Mandin jónjon.

Keleden fila ye sinsan dayele an ye; u y'u senw fara nögon kan k'an fo. Keledenw be taa-ka-segin na soba dôw ni nögon cé tukorokan té ka fo yan tubabukan yere té men, an ka Bamanankan in de be bée da. An sera so. Koro donna ni n ye biro do kono, ka don kow né na k'a fo :

(A to be Né 11nan na)

(Né 10 nan tō)

- I ye kéléden minnu ye fuga kan yan, u bëe ye i yére balimaw de ye. Mandin siya bëe b'a la. U nalen bë kéléladege la, ka kélé ne bëe kalan. I muso y'o kalan ke kabini salonnasini. Kéléminen sugu bëe b'an bolo yan, a feerew bëe bë kalan yan fana. Wari min "sonana" e ka baarada la an ka cédénw fe o nécé bë yan. Jamana nafolotigi sebëw b'an dème n'u ka bolomafara ye ani fasoden numan bëe. Bëe sônn'a ma ko an man kan ka Mandin to a cibagaw bolo.
- O tuma jamana sôròdasiw ma u joyoró fa wa ? Mun na aw te dème don olu ma?
- Tiñe don kôsa in na u y'u sebë don jamana lakana na. Nka ko bë ko bë ko la olu te se k'o ke jamana tögö kôson. Anw de bë se k'o ke. Jamana némogö caman m'a faamu fölo ko anw fana bë faso kunmabokelé de la.
- N y'a faamu; aw bë se ka ne jate aw do ye.
- I bëna waati ke yan kélékalan na. O kô i ni Jami bëna taa Ameriki an ka kéléminen dòw nöfe. Aw ka taamasebënw bëe labenna k'aw tögöw yéléma. Na n ka t'i bila i ka so." O folen, Kôrò wulila ka konnëge dòw da n nékôrò k'o ye ne ni Jami ka so kilew ye. An bora nögön fe kéné ma ka taama dònin ka t'an jo so numannin do da la. A y'a tegé di n ma ka segin. Ne donnent salón kôno n kabara; hali Seeduba min ye ne yére patörön ye o ka sokonona man ni ka nin bo. N taara Jami sôrò tobilikeso kôno a be ka gato sugu dò dila. N ye n bolo d'a solo kan ka kumanin do fo a tulo kôrò. N ka kélékalan tun banna fo ka jala sôrò, Amerikitaa de sera.
- Taama ye sini ye; (Jami ko ten) an be taa ci min na o sebënw dalen bë tabalinin kan. I mana tila u kalanni na i b'u bila n ne n fana bë tila k'u kalan. Sebën ninnu bë an ka taama in taa n'a segin bëe de nöfö, ka don a ne misen bëe la k'a fësëfësë." Jami nana gato sigi n kéréfë ; a yére ma fën dun ko a t'a fe a furu ka sigi. Gato dunnen ko n seginna ka taa n da li kan ka

sebën ninnu kalan. A folen b'a kôno ko ka sebën ninnu kalan k'u durusi ani k'u jeni; u kana taa an bolo Ameriki. Jami donna a labennen sunogo kama.

- N ye taamaminenw laben nka n ye tubabufiniw de ta ; a fôra ko néné ka bon yen sisan. An k'an da ten bawo sini taama ka jan, a sègen ka bon." Sèbenw taar'u yére sôrò li senkôrò duguma. Kuran sara. ...
- Wuli ten an k'an laben ; pankurun te mögo makono."

N wulila ka monturu laje : fajiri tò te bëre ye. An y'an ko ka seli ani ka wësitî ni pantalon girinmanw don an na. Jami ye kunnabiri ke k'a kunsigi datugu ni k'a tò meleke a kan na. An ye dumuni ke ka bo. Möbili tun jôlen bë da la ; a bolibaga y'an ka minenw bila möbili kofuru kono. An selen pankurunso la, mobilibolila taara sebënko ni minenko nénabô k'an sigilen to möbili neemanen kono. A ma men taatuma sera. An sigira pankurun kôno dörön Jami sunogora; fo ka t'an se Ameriki galodugu la. Pankurun jôlen, u ko mögo si kana bo i sigiyoró la. Polosiw donna ka bëe ka sebën laje. U selen anw ma ko an ka wuli ka tugu u kô. An wulila u nöfe ka bo; u ka möbili tun jôlen bë pankurun senkôrò. An donnent polosimöbili in kofé, ce kelen y'i sigi ne ni da ce, dòwëre y'i sigi Jami ni da ce. U ma Jami ka saknin min'a la koni, nka a bëe ka marifa minen b'a bolo. Möbili wulila ni kalanman ye ka dugu ceci a bë ka buru fiye dörön. A taara jo sankanso jan do jukorò ; u y'an labo möbili kôno k'an layelen fo sanfeso laban na. Jalatigibaw de tun sigilen bë k'an makono yen. U ka némogö k'an ka sigi.

- Aw weleli te basi ye; aw ka jamana lakaniso de ye fakisi ci an ma kunu i koro. O fakisi sebën kôno, u y'aw ka binkanniwalew lakali, ani k'a jini an k'aw lasegin aw faso la Mandin. An t'a fe fiñé ka don an ni Mandin némogöw ka teriya la. Aw yére ko k'aw ka jamana labilen don bëe ye; yali o te tiñe ye bilen wa?

(A tò be Né 18nan na)

(Ne 4nan to)

Iankolon in nafa si te jama ma fo wale" Ablay de ko ten.

II. Demokarasi ye jama ka fanga de ye

Dow ko jemufanga, dow fana ko beejeefanga. Ni demokarasi ye jama ka fanga de ye, o fanga be se ka waleya cogo di kan were la min te jama yere ka kan ye ?

- O ka ke jamana kono min tubabukandobali be mog 80 bo 100 na (80%) ?

- Jamana min kalandenw te teme denmis en 25 kan 100 na (25%) ?

Jamana sigilen be sebenba dow kan : sariya baju, kiiri sariyaw, polotikitonw sariya, nin bee dilala kan sure de la.

Bulonba depitew be sariya minnu ta n'olu be na boli jamana denw kan, o sariyaw be ta kan na min te jamana denw ka kan ye.

Faamaw be jemukan minnu ke ani polotikitonw be waleya minnu dansigi, nin bee be ke kan were de la min te jamana ka kan ye. Wote minnu be ke ka nemogow sugandi, olu be laben kan sure de la.

Depitew be hakilinafalen minnu ke Bulonba kono ani jamana kunkanko jekafow, jamana

kunko mumé, nin bee be ke kan were de la.

Fasojama sen bora pewu :

- a sen bora sariyaw famuyali la, ani jamana kojenabodaw faamu na.

- a sen bora jamana setigiya baara la.

- a sen bora kow latigeli la.

- a sen bora polotiki la.

Demokarasi lakika te taa an ka kanw ko.

* Sariya ka joyoro jonjon di an ka kanw ma,

* An ka kanw ka ke fanga lataamakanw ye (nemogodaw, kiiridaw, kalansow)

* U ka ke kanw ye jamana be lakodon ni kan minnu ye.

Mali Fanga folo n'a filanan ye min ke an ka kanw dondala koson, Fanga sabanan min b'an kun na bi o m'o njogonna ke. An k'an jija ka jemukan cejiw ni naniya numanw to kerefe walasa an na se ka walew damine.

III. Kuma kunceli

Ablay bolo, fasojama si ka yiriwa te ke kan were la min te a ka kan do ye.

ISA NJAYI ye nin jemukan ke
Fure Ablay Bari ka taasibila don,
1997 san kalo 9nan,
Balikukalan Nemaayaso la

TUBABUW KA BOLIW, LAWALE LA.

A be dow nyena ko Tubabuw te boli don ; ko abada boli ma deli ka ke Tubabula. O dun ye fili de ye. Kasor nansaradiine ma bange u bara, u tun be boliba damadaw bato. A boli ninnu tun deselen be fara la ka mogosawura k'u la wali daaba do sawura.

Tubabuw tun be Merikiri bato, u ka boliw bee la belebele tun don : jago setigiya be ale de bolo ani wariko jan o jan. U tun be Zipiteri fana bato : ale de ye sankolo ani sanperen tigi ye. Marisi fana tun be bato u fe; kele setigiya be ale de bolo. Minerowi fana ye u ka boli do ye; ale de tun be son bololabaarakelaw fe. Apolon fana tun be yen ; fileikelaw ka boli y'ale ye. Ceji setigiya ni yeelen setigiya b'a bolo.

Merikiri, Zipiteri, Marisi, Minerowi, Apolon, ninnu bee ye tubabuw ka danbe koro ye minnu tun be son u fe. U ka bolibaw de tun ye ninnu ye. Tubabuw danbe koro tun te dowerye nin boliw batoli ko.

San 465 Nabi Isa ko, u ka masake Kolowisi tuubilen ka don nansaradiine na, a ka keleden 3000 fana tugur'a ko ka tuubi. O

de kera tubabuw ka nansaradiine damine ye. Fo ka ta se o ma, tubababuw tun ma u ka bolibato bila fosi ye. Wa nansaradiine mori min o min tun mana se u ka jamana kan k'a be n'a ka diine lase, u tun b'o mine k'a lajaba o ko k'a faga.

Nansaradiine basigilen u bara, o de kera sababu ye tubabuw ka boliw batoli dabila ni ka Ala kelen bato. N'an ye dinye taasira kolosi, kabini lawale la fo bi, Tubabula ani Farafinna, an b'a ye ko bolibato be nonabila ni Alabato de ye. Min ka danbe koro mana ke boliw ye o laban b'o bila k'i nyeshin Ala ma.

Umar Koyita ka donkili laban in na, a be hamikun bo ; o ma folo anw na ; a ka ca la fana o tene laban anw na. Nansarala ye misali koro ye, anw ye misali kura ye. Dinye kono netaa ka yelema, mog si ban to la Ala bolo.

*Togo minnu sebencogo faransikan na :
Bolitogow : Mercure, Jupiter, Mars,
Minerve, Apollon. Masake togo : Clovis.*

A.D.

SUMANIKALAN

Jama sumani jukorokalansow kono.

Jama boko 8nan kono, 1994 san na, an ye dō fo sumaniko kan ; nka an y'an sinsin dañeko de kan : metere dōgo (3) n'a kōrow (4) welecogo an'u taamashyen cogo.

Nin boko in na, an b'an hakili munumunu kalansen kan min be tali ke an ka laada sumanikelanw na, i n'a fo nonkon ni sibiri. An ko o sumanikelanw ma ko :

sigidasumanikelanw

U kalanni wajibiyalen.

O kalan in be ke cogodi ?

Jate kalansenw bolodalen be gafeba min kono, o ko : "Jukorokalansow kono, feere numan min be jatekalan na, o ye ka kalan damine ni k'a laban ni kunkow ye, denmisew b'a nini ka minnu neñabō don o don u ka sigida kono, u ka maaya kono wali u ka tlonw senfe, u ka barodaw la

Kalanden wa o kewalew de senfe u be ñonniya ni feere sigisen kan, ani k'u hakili dayele, ninini sira kan. U be jatemine minun laben o hukumu kono, olu sirilen be daliluba saba la :

1) Ka kenekanfénw ke baa-rakeminen folow ye (i n'a fo kalamainiw, belekisew, bolonkoninw, mariyasiw, tulonkefen werew)

2) Ka kewalew walima kunkow jira ni jaw ye wali ni nataliyew ye wali ni neñenw ye.

3) Ka jate miirinanw (6) bange (i n'a fo : da (7), farankanni, keresaba, ... o ye(8), . . .) nin k'a waleya."

Bajukalan -"dugumakalansow, baarabolodenw" (9), 1995 san Gafe in be karamogo bilasira de, ka feere jir'a la minnun b'a ka baara nogoya : kalandenw ka faamuyali n'u ka hakili yiriwali.

Musa Jabi ye o miirina de taamashyen nin cogo in na.

Karamogow walima gafedilan-naw b'u sinsin feere folen in kan

cogodi ka kalansen in ("sigida-sumanikelanw") laben ?

A - AN KA GAFE DOW LAJE ka bo gafe "Jate kecogo numan", ne 3 kono.

1- "bamanankaniate", Balikukalan Baarada (B.B.), 1992

Gafe in labenna cikelaw de ye. K'u ka kalan sinsin u ka baa-rakeminen, u ka feerew n'u ka baarakecogo kan.

Sigida sumanikelanw kofolen te gafe in kono. Kalansen kelenpe de labenna ka neñin janya sumanikelanw ma : metere, kilometere (ne 25).

2 - "Karamogo demenan" (gafe in be "bamanankan jate" de manton)

A ne 35 la, a sebennen be "ni metere soro, karamogo b'a cogo jira kalandenw la, ani ka fen suma cogo jira u la ni metere ye." Sigida sumanikelanw kofolen t'a kono.

3 - "Jate kecogo numan", ARED. Associates in research & Education, BDL Bamako District Literacy, Adaptation Moussa Diaby, DNAFLA, Bamako. [Togo fla be gafe in na : "Jate kecogo numan" ani "An ka jate kalan", o be soro "Calculons", de bayelemalen ye.] Walebaa ka dantigeliseben na, a ko : "Gafe in dilanna karamogo ni kalanden jolen de ye. U ka se k'u yere deme ka mogo were kalan." Sigida sumanikelanw kalanni be o miiriya numan in waleya, ka karamogo hakili dayele ani ka kan yiriwa ka ta fe. Nka sigidasumanikelanw kofolen te seben in kono. Ne 42, ni ne 47 ani ne 52 doren de la nininkaliw be boi metere, kilogaramu ani litiriw kan.

4 - "An ka jate dege bamanankan na", B.B. Segu Duguyiriwatou Baarada. Gafe in

kono sumanikelanw kera a danmakalan ye (K'a ta ne 40 fo ne 44). Sigida sumanikelanw fan si t'a la. Degeli ni misaliw be'e folen don ni sumanikelan yelekew de ye, i ko metere; litiri, kilogaramu,

5 - "Jate san sabanan", B.B.G., 1993. Gafe in nebilal la, walebaaw ko , " Daw ni sumanikelanw (m, mt, g, bag, ,1,) kalan labennen be ke cogo la min b'a to sumannikelanw bayelemani (10) be nogoya kalandenw ma." Sigida sumanikelanw joda si te gafe in kono, hali deliliw senfe u m'u kofo ; u neñolen te yere, kasoro kalansen don, min kalanni wajibiyalen kalansariya fe.

6 - "Les unités arbitraires de mesure" Mamadou Traoré, in Mali - Math; MEN - IPN, n°9, 1990. "Kalan neñiniso ñonniyasében" (Revue de l'IPN) kono, Mamadou Troré be kuma sigidasumanikelan dōw kan, nka a be dan u jirali u togo an'u neñi de ma. Nka min be u ni nogon ce a da ma se o ma. O de y'a kalansen nafa dōgoya.

7 - Stage de calcul à l'intention des maîtres enseignant au 1er cycle fondamental du district de Bamako, 1990 (11). Kalan in senfe, sigidasumanikelanw kera u danma kalansen ye, min neñinnen be karamogo ma. Gafe in kono an b'a ye ko, keta folo in na, u y'a ninni :

- Hakililajigin ka ke janya sumanikelan dōw la bamanan na.

- Ka janya dōw suma ni o sumanikelan ninnu ye, i n'a fo bolonkon, sibiri, nonkon, ... Keta folo nininkali dōw file :

- I ka sebenfura janya be ben bolonkon joli ma ?

- I sentegé janya suma n'i bolonkon ye ?

- I bolonkon da sebenfura kan i ka soro k'a fo sebenfura in sira

misén joli b'a kono ?

- Walanba min be kalanso kono, o jojan suma n'i nogon ye, wali-ma n'i sibiri ye.
- Nonkon be ben sibiri joli nogon ma ?

8 - "Mathématiques 3ème année", CONFEMEN, Livre du maître, 1992, Gafe in labenna Afriki worodugujamanaw de fe, kerenkerennya la jamana minnu be kalan ke tubabukan na.

Dakun kelen nesinnen be janya-sumanikelanw ma ("Longueur : unités arbitraires et conventionnelles- Conversions") O dakun in kuntlenna fôlo ko: kalansen bannen ko, kalanden ka kan ka se ka janya suma ni sigida sumanikelanw ye, ani k'u sumanida fo.

Gafe in konosigida sumanikelanw danna nin kuntlenna in de ma. Jatemine sugu min be se ka ke ni minen ninnu ye, o ma wala-wala. O tuma a kera masiri gansan ye. A kalandengafe togo :

9 - "Mathématiques 3ème année", CONFEMEN, Livre de l'élève, 1992 (12)

10 "Mathématiques 6ème" : L.B. Ngouo . A : Mpeke, Bordas, L.E.A.

Gafe walebaaw ye do fo sigida-sumanikelanw ma, dantigeli senfe. U ko " Fôlo mögôw tun be u farikolo yorow de ke ka sumani ke, i n'a fo paara, nonkon, sibiri, ... "

Seben in walebaaw bolo neci foyi te sigida sumanikelanw kalañni na ; o ye filiba ye, bari : 1) N'an taara an ka togodaw la, ani an ka sugufew la, an b'a faamu ko sigida n'a ka sumanikelanw don, a b'a ka dijeyenatige n'a ka sanni feere bee necabo ni ninnu ye.

2) Jate siratige la, gafe dilanbaa ninnu ka faamu ko, ni kalan daminenai ni sigida sumanikelanw ye (olu minun ni kalanden ka maaya be nogon ta) o be faamu ya teliya, ka koro ko sinsin (i n'a fo metere, garamu, n'a

nogonna).

AN KA KUMA BAMU

DugumakalansoBaaraw bodalen be gafe min kono, n'an ye o kalan an b'a kolozi ko :

1) Sigida sumanikelanw kofolen be san 3nan dôrô de la. O koro ye k'a kalan kun te kalan-so tow la wa ?

Nafa jumen be a kalan ni na ?

2) A fôra gafeba in kono ko " kalanden ka kan ka sumanikelanw don, k'u waleya, k'u sanga ani k'u bayelema." An be se k'a bisiki ko sigida sumanikelanw ko don

N'o kera tije ye, an be se ka fo k'an y'an ka kalan kuntlenna je.

3) Sumanikalan senfe karamogô be sigidasumanikelanw waleya cogodi ? A b'u bayelema wa ? An ka ninkaliw senfe, karamogow ko :

- A ka c'a la, olu be dan sigida-sumanikelanw togo foli de ma, i n'a fo : nonkon, sibiri, ..., mure, paara,

- Dow ko olu be minen dow suma ni sigidasumanikelanw ye, nka u te jatemine ke ni u ye.

- Dow bolo nafa si te sigidasumanikelanw kalan ni, bi-bi in na mogô si te sumani ke ni u ye. Dow ko olu ka dônniya de ma se u ma, u t'u focogo yere don.

- An ka baro senfe kalanyorow la, karamogô dow y'a jira ko ni kene be suman sigidasumanikelanw neci te o la, bari an ka sigidaw la, minen kerenkerennen te yen, min be kene suma wa, dajê fana te yen a koro be min na.

[Nka miiriya werew y'o kokari, bari dow ko ni foro be cike bamananna, a kene be tila : cetege, bala, kwane, wa cela be ninun bee ni nogon ce.... O y'an ka jinini dakun do ye.]

B - SIGIDA SUMANIKEIANW : JANYA SUMANIKELANW

1. kuntlenna :

Kalansen in nesinnen be karamogow de ma, Kalansen in labennen te kalanden ye.

Kalansen in kun ye, karamogow

ka faamuya soro sigida sumanikelanw kan, k'u sanga ani ka jatemine ke ni u ye.

Kalansen in kelen ko, an hakili la sumannikeminew koro jonjon be faamuya ; n'o kera bayelemani têna ke kufeko ye. Ni nin kuntlenna in tiimena, sumanikalan be sira soro. Dijen forobasumanikelanw i n'a fo : metere, garamu, litiri, meterekare... faamuyali be nogoya fasayi.

Kalansen in senfe karamogow be geleya minnu soro, an hakili la o be ke sababu numan ye, u ka caman faamuya kalanden fana ka geleyaw la, ani k'u deme k'o geleya lawuli nogoya

2. Sumani be ke ni minen minnu ye : u togo ani u celaw

N'an taara an ka dogofiyew n'an ka sugufiyew la, an b'a ye ko finimugu be suma ni kwane, nonkon, sibiri, tuma dow la yere, bolonkoni be ke ka sumani to dafa.

Wa baarabolo caman de be yen min n'a ka sumanikelan sugar-dilenw don

Celaw

Sibiri 1 be ben bolonkoni 10 ma nonkon 1 be ben Sibiri 3 ma, Kuwane 1 be ben nonkon 4 ma, An be bolonkoni taamashyen nin cogo in na : b

An be sibiri taamashyen nin cogo in na : s

An be nonkon taamashyen nin cogo in na : n

An be kuwane taamashyen nin cogo in na : k

Seben walebagaw b'a jini seben in kalanbagaw fe, u ka an ladoniya :

- Dajê focogo jugu minnu be seben in kono ; k'u focogo lakika fo an ye ;

- Focogo min n'an ka sigida jogow te nogon ta;

- Janyasumanikelan werew minnu kofolen te yan. U neci, ani u be waleya cikeda min na.

- Maben filiw ani dajeko fiye min be seben in na

- Jate dajê dow be yen, minnu mana bila kumasen kono, u be

korofa faamuli geleya, o misali daw be seben in kono wa ?

- Ni seben in kalanni ka gelen wa ? O geleya bora min :

• Kuma fccogo la wa ?

• Jate dañew dilancogo la wa ?

• Jatemirinaw kecogo n'u geleya de la wa ?

• Kalanden yere ka dønnibaliya de la wa ?

C -KALANSEN : JANYA SUMANI

1. Kalansen labencogo

Kalansen in sinsinnen be ketaw de kan. Keta ye sugu fila ye :

- Keta folo nesinnen be kalandenw kelen-kelenna ma.

O ketaw senfe, kalanden b'a hakilina di nininkaliw kan. Ni fili be a ka fota la, karamogó be fili in nefs, k'a laben; ni k'a jira kalandenw na fili sababu ye min ye.

- Keta filanan be di kalandenku lu de ma (mogo 2 wali mogo 4). Keta in nafa folo ye "hakilifalen ni sosoli min be ke kulu mogow ni nogon ce", a flanan ye "kulu be ben ko la cogodi ?" U ka benkan sigilen be dalilu jumen kan ?

Kalansen in nafa yere ye, k'a jira karamogó la, k'u be feere minnu waleya ka daw jate (I n'a fo : kafoli, doboli, sigiyoromali ni tilali), o feere te sira soro kalansen in kono, k'a sababu ke da suguya minnu be kalansen in na.

Ketaw nefsolen ko, baara werew be di kalandenw ma, u ka kan ka minnu njenini u ka so.

Ni kalanden fanba ye faamuyali ke, karamogó b'a jini kalanden kuluw fe, u ka je ka jatenini 2 walima 3 laben ; jatenini minnu be tali ke an ka maaya sun koro. Kalansen in miiriya baju bora Patrice Johan ka seben de la, min togo : "Opérons en toises, pieds, pouces" (Reperez-IREM, n°78, Janvier 1995) (14)

2. Keta folow

Keta 1 : Musoje ye finimugu nokonje 3 ni sibirije 7 san a denmuso ye, kasoro ka nokon je 3 ni sibirije 4 san denke ye. A

ka finimugu sannen haké bennna joli ma ?

Kalandenw ye nin feere saba in jira

• feere 1 : Jate be sigi nin cogo in na

Musoje ka finimugu sannen bennna nokon je 6 sibri 11 de ma.

• feere 2n : Jate be sigi nin cogo in na

Kalanden ye ni feere in de waleya

• feere 3n : Kalandenw ye jate sigi nin cogo in na :

E be nin taasira in nefs cogo di ?

N'an ye feere 1 ni feere 2 bayelema sibri la, an b'a kolosi ko jaabiw ye kelenye. Nka n'an ye feere 3n jaabi bayelema sibi ri la, Oni to fila te keje. O tuma, fili be kelen na, walima a feere saba si ma jni. E bolo fili be jumen na ? O fili dun sorola cogo di ?

Keta 2n

Gesehawa ye fini kuwaje 1 ni nokon je 2 fara a denmuso ka fini nokon je 3 ni sibri je 7 kan, k'a ke birifiniba kelen ye denmisennw ye. Birifini in be ben joli ma ?

Kalanden fila wali saba be se k'u hakilina falen keta in kan. E hakilila nin keta in geleya fanba ye mun ye ?

Fccogo wa, jatemeine sugandili de ? wali sumanida minnu be keta in kono de ?

Keta 3n

Gesehawa n'a denmuso y'u ka finikonow fara nogon kan, k'a kala, k'a ke birifini ye denmisennw ye. Birifini in benna kuwa je 2 nokonje 3 sibirije 2 ma. Gesehawa ka finikono bolen benna nokon je 5 sibri je 6 ma. A denmuso ta benna joli ma ? Kalandenku minnu ye keta 2n ke, o kulu kelenw be se ka keta 3n in ke.

Danfara jumen be keta 2n ni keta 3n ce ? Anw hakili la jatemeine de y'a gelenmanyoro ye : A

ka ca a ja, kalanden be farankanni de ke : (k2n3s2 + n5s6) bari a fora keta in kono, ko finikonow farala nogon kan.

Misali ni kalandenw ka feere danmadow

Misali 1° Danfara joli be k3n2b5 ni k1s5b8 ni nogon ce ?

Kuntilenia : Doboli sen fe, tuma dow, an be da dow bila kerefe, k'u mara. O koro ye di ?

Feerew feere : naani file minnu bennna jaabi kelen ma. feere ninnu beeg ka jni.

Feere 1° : An ka haké fila ninnu bayelema bolokoni na. K3n2b5 o be ben (3 x 4 x 3b10) + (2 x 3 x b10) + b5
a be ben b350 + b60 + b5
a be ben b425

K1s5b8 o be ben (1 x 4 x 3 x b10) + (5 x b10) + b8
o be ben b120 + b50 + b8
o be ben b 178

(k 3 n 2 b5 - k1 s5 b8) o be ben (b425-b178) o be ben (b 247) ma

feere 2n : An ka jate in sigi a cogo koro la

Misali 2n

An ka fini kono kuwaje je 5 nonkon je 3 tila saba ye. Fan saba beeg ka keje.

Kuntilemma :

Tilali sen fe, ni tilata ka dogon ni tilayoro ye, an be tilali lajo. An b'a fo ko tilali te ben coyi, bari haké do be to min te se ka tila. Sigida sumanikelanw tilali be karamogó wajubia a k'i miiri a ka feerew n'u korow la.

An ka tilali in koroko mafile.

Opération

Fccogo caman be jatesigi in na :

• 13 tilalen 3 ye, o ye 4 nkori 3 ye, a to ye 1 ye

• wali 13 tilalen 3 ye, o ye 4 tankori 3 ye, a to te 1 ye

• wali 13 tilalen 3 ye, o ye 4 murumuru 3 ye, a to ye 1 ye.

Fccogow te kelen ye nka mii riyabaju ye kelen ye.

Tilali kelen ko, nininkali danmadow be na mogo hakili la :
- nkori (,) in koro ye di ? (4,3)
- 3 in be mun kofe ? (4,3)
- "a to ye 1 ye", o koro ye di ?

An ka misali 2n feere danmadow jira.
feere duuru file min yera kalandenw ka ketaw senfe. A nininen be i fe,i ka ketaw segesegé ani ka filiw latilen.

Opération

Kalanden ye tilali lajo bari k2 min tora o ka dogon ni 3 ye. O tuma tilali te se ka ke.

Feere 2n : Kalanden ka feere sirilen be bayelemani de la : to min ma na to, ka o bayelema sumanikelan dogoman do la.

Jaabi

K5n3 tilalen 3 ye, o ye K1 n2 S2

Feere 3n : Nin feere in fana na, kalanden ye bayelemani de ke a sinsinbere ye

Opération

n23 tilalen 3 ye, o ye n7 s2 ye nka n7 be ben k1 n3 de ma o tuma n7 s2 be ben k1 n3 s2

Jaabi

K5 n3 tilalen 3 ye, o ye K1 n3 s2 ye

Feere 4n : Yan, kalanden b'a nini ka da hakew soro minnu be se ka tila 3 ye. Bayelemani joyoro ka bon yan fana :

K5 n3 = k3 k2 n3 : nin nefoli ka dogon (5 = 3 + 2)

Sebeni kura in na (k3 k2 n3) an b'a kolosi ko k3 ani n3 be tila 3 ye coyi. O tuma k3 n3 tilalen 3 ye, o ye k1 n1 ye. A to ye k2 ye, k'o tila 3 ye. An b'a kolosi ko k2 be ben s24 ma. O s24 mana tila 3 ye, o be ben s8 ma. O s8 be bayelema ka ke n2 s2 ye.

An ka tilali in bamu sisan k5 n3 tilalen ye, o ye k1 n1 n2 s2 ye, n'o be ben k1 n3 s2 ma.

Feere 5n : Kalanden dow ye k1 n3 seben nin cogo in na : k1,3. U y'u nemada sumanikelan

yelekew de kan, i n'a fo metere, wali litiri.

Kalanden ninnu bolo : m1,3 be seben, munna k1,3 fana te seben ?

U ye k1,3 tila 3 ye nin cogo in na :

Tilali in koro ye di ? An k'a kalan K1,3 tilalen 3 ye, o ye K0,4 ye, a to ye 1 ye.

- 4 min be nkori kinin fe, o be mun ko fo ? Kuwanje wa ? nonkon wa ? sibiri de ?

- 1 min tora, o be nefo cogo di ? a koro ye di ? Mun 1 de ko don, kuwanje wa, nonkon de ?

Kalandenw ko, tilali ma ben coyi, bari to do tora. Nka u ma se ka jaabi soro in nefo. A nininen be aw fe, aw ka jaabi in nefo, ka soro ka don feere in koro jenjor na.

4. JEKABAARA

Keta in be di kalanden kuluw de ma u k'a ke kalanso kono. U ka sosozi ke a kan,u k'u hakilinaw falen, u ka ben feere ni jaabi kelen na. N'o kera, u k'u ka jaabi ani u ka jatemine seben ka ne, k'a di karamogo ma. Nemogo kelen ni sebenni kelen be sugandi kulu fe. Baara kuurukaara bee be ke karamogo ne koro. A da te don kuma na, a da te don sosozi la, a te kalanden si ka baara lagosi a te fili latilen, a te kiimeni ke ka baara to senna. Kulu ka baara senfe a te mogo jalaki, a te jo di mogo ma, sosozi sen fe kulu kono. Nka, a be kulu bee ka bila la. A ka baara fanba ye, ka kunnafoniw di kuluw ma. A te fen fo, a ma nininka min na. Ni nininkali jenjor do kera min be jekabaara kunce, a te o jaabi, nka a be feerew sigi sen kan minnu be kulu bila sira. Karamogo neci filanan ye min ye, o ye ka lalandenw bee wajibiya u k'u jenjor fin kulu ka baara sen fe.

Jatejini

Nin mogo woro bee ye finifeere-law de ye. Jagiri, Nogaje, Banci, Nagasa, Galo, Fale. U ka finiwe sugu kelen ye, o koson u ka songow te kelen ye. U kelen-

kelen nininkara u ka fini songo la, u ka jaabi file.

- Jagiri ko ale be n3s2 feere doreme 132

- Nogaje ko ale be k1 n2 feere doreme 270

- Banci ko ale be s3 feere doreme 30

- Nagasa ko ale be n1 s2 feere doreme 105

- Galo ko ale be k2 n3 s2 feere doreme 840

- Fale ko ale be k1 n1 s1 feere doreme 288

Sannikela tan taara fini jini

- Folo be n2 s3 de jini

- Filanan be k2 n3 de jini

- Sabanan be k2 s2 de jini

- Naananan be k1 n1 de jini

- Duurunan be n1 s1 de jini

- Woorenan be k2s2 de jini

- Wolonfilanan be k5 n1 s2 de jini

- Seeginan be k1 de jini

- Konontonnan : n1 de jini

Tannan be S1 de jini
U kelen-kelen ka wari sarata be ben joli ma ? O wari hake seben katimu kono.

*Mamadu Lamin Kanute
Karamogo
Bamako*

(1) Système métrique

(2) Classes du premier cycle de l'enseignement fondamental

(3) Sous-multiples du mètre

(4) Multiples du mètre

(5) Unités arbitraires de mesure de longueur

(6) Concepts mathématiques

(7) Nombres

(8) Egal

(9) Programme du premier cycle de l'enseignement fondamental, 1995

(10) Conversion

(11) Dugumakalanso jatekaramogow ka lajolikalan - Bamako mara kono, 1990 san na.

(12) Jatekalan san sabanan. CONFEMEN - karamogo ka gafe. 1992 san

(13) Formule

(14) "An ka sumani ke ni cejo, sentegé ni bolonokoni ye"
(Repères n°18)

Tunfiyeku

Cé do kéra ko a nögón te u ka dugu la.
A wulila k'a bë taa a nögón nini dijé kono.
A sera dugu fôlô min na, o dugu mögôw
y'a bisimila. A y'i dantigé dugutigi ye :
- Ne bora dugumin na, ne nögón te yen
boci la. N fana wulila ka yaala walasa n
bë n nögón ye.
- Dunanké, i bisimila, si binn'a tömominen
kono. Dumuni ke yani n ka na. N bë taa i
nakun fo dugu kono.
Dugutigi taara du min kono, tògo wèrè t'o
mögôw la fo "bocidu". Kabini dantigeli
kéra dutigi ye, o y'i kanto a ka dudenw
ma :
- Baara sôrola bi, bëe k'i laben an bë taa
dunanké fo.
Denmisen fitiniw wulila fôlô, olu sen ta o
ta, u bë finé fili : tunfiyeku tunfiyeku tun-
fiyeku.
Olu mënnen sira fë, nénatigéw ye sira
mine. Olu fana taakan b'a fo : tunfiyeku
tunfiyeku tunfiyeku.
N'i y'i tulomajo fitiniw ni nénatigéw tatô b'a
fo : tunfiyeku tunfiyeku tunfiyeku.
Ta te mène, sisi te bo, musokorobaw ye
sira mine. Aw ye olu taamato kanmen :
tinganye tingaye tinganye.

Olu faralen denmisénw ni nénatigéw
kan, bëe taamato bë min fo aw y'o fana
lamé : tunfiyeku tunfiyeku tunfiyeku ting-
ganye tinganye tinganye.
Dutigi köroba dimina dudenw körö k'u
mennà. A yëré ye sira mine : ale taakan
ko : tintingaye tingatintingaye tinga tintin-
gaye tinga.
Dukonömögôw bëe taamakan b'a fo :
Tunfiyeku tunfiyeku tunfiyeku, tinganye
tinganye tinganye.
Dunanké ye nin mankanba in men tuma
min na, a y'a jatigiké nininka
- Ne ko nin ye mun kan ye tan,
O y'a jaabi ko :
- Du dô mögôw nakan de ye ninye k'i fo.
Mankan in ye olu bocikan de ye. u sen ta
o ta kunkan bë bo. Denmisénw ta ye tun-
fiyekuye, nanatigéw ta ye tuntunfiyeku
ye, musokorobaw ta ye tinganye ye, duti-
gi yëré ta ye tintinganye ye.
O folen ko, dunanké y'i kanto ko ale ka
sigi ma bo barisa ninnu te se ka na ale
soro yan. A y'a ka minenw cé k'a he ! O
de la a bë fo ko "n nögón te n badenw na
o ye tijé ye nka n nögón te muso wëre
denw na, nkalon tigera".

Sekuba-Sala Sakó

Ne de ye farafin ye

Ne de ye farafin ye !
Basi y'an ta ye. Basi ni do te kelen ye,
do fana ye an ta ye.
Basi ni do bëe ye kulu kelen ye.
Nin bëe ye an ta ye.
Ne de ye farafin ye !
Suya y'an ta ye,
Suya ni naganya te kelen ye,
Naganya fana y'an ta ye.
Suya ni naganya bëe ye kulu kelen ye.
Nin bëe ye an ta ye.
Ne de ye farafin ye !
Moriya y'an ta ye. Mori ni
Batutamori te kelen ye,
Batutamori fana y'an ta ye.
Mori ni Batutamori bëe ye kulu kelen ye.
Nin bëe ye an ta ye

Ne de ye Farafin ye !
Waliju y'an ta ye. Waliju ni suufi te kelen ye,
Suufiya fana y'an ta ye
Waliju ni suufi bëe ye kulu kelen ye.
Nin bëe ye a ta ye.
N'a kéra ten, ne de ye farafin ye !
Alikaba farafin yelen don,
o ye donba ye de !
Misira kaburujan kaburuden dan na,
n ko ne de bë yen !
N'i y'a men so jeman, so finman de bë yen !
Unn ! nkalon ka körö ni dugukolo ye,
Ne de ye nkalon ye !
Dibilankalon ni yeelennankalon te kelen ye,
Ala kelen de ye tijé ye !

Mahamadu Kônta

(Ng 11nan tɔ)

- Aw yere ka seben in laje. Nin fakisi cir'an ma sogoma in na de." Ne ni Jami y' an madon ka seben in kalan. Koro ni Jami ni ne jaw be seben in kan k'an tɔgɔw K'a koro. Seben in kɔnɔkuma file nin ye: "A san saba de file nin ye binkanni juguw be ka ke jamana kono k'an ka nafolobaarayɔrɔw wari sonya. Wari miliyon caman de be ta u fe binkanni ninnu kelen-kelen bee la. Wa tege ma se ka da u tigi-lamogow kan. Nka bi u dɔnnen don koni an fe. Nin mogɔ saba de b'a ko kunna."

Seben in kalannen ko Jami ko :

- An b'aw ka bila la."

Polosi minnu nana n'an ye olu donna, k'an ka tugu u ko. An nana sira min fe an seginna o fe. Pankurunnin do tun be k'an makono. An bilasirala seginna nka polosi fila tun sigilen be kurun kono, kurunbolila fila b'u sigiyɔrɔ la. Nin pankurun kerenkerennen be anw de ye, ko ka t'an bila fo Mandin faaba la.

An y'an sigi nogon kerefe k'an ce siri sigilan na. Jami y'a ka bololasakinin d'a senkoro. Kulun wulila k'a nesin kɔgoji ma. An be jiba fensennen in kunna ka taa, kɔron fana be k'an kuben ni teliya ye. Jami y'a ka sakinin daye; fosi were tun te saki kono marifa surun fila ko. A ye kelen di ne ma a yere ye kelen ta; an bilasirabagaw ma bo ko kala ma. A ko ne ma dogo la ko kofemagow ye ne ta ye, ale be taa nɛfemogow kama.

N balala polosiw la ka marifa da jo u la.

- A' y'aw bolo d'aw kun ; mogɔ si kan'i lamaga."

O waati kelen na Jami sera kulun boli law ma ka marifa da jo kelen ton kofe.

- An te taa Mandin bilen. An be taa Bijan-Worotu de. Ni min faratira ka ko ke an be ta wuli o la. An yere be se ka kurun boli"

Polosi ninnu be ka wɔsi debedebɛ kasɔrɔ

neemaba de tun be kulun kono. Taama sira yelemana. An sera Worotu tilesinnin botuma. An bilasirala tora pankurunso polosiw bolo ; u na nɛfoli caman ke yanni u ka segin so. Negejuru tun cira Koro ma ; o nan'an nɔfɛ watiriba do la. An mogɔ saba bee donna watiri kofe, jami be cemance la. A y'i dantige koro ye ; kabini kow tijɛna Ameriki fo ka n'an segin o bee nɛfor'a ye.

- An ka keleminew na don cogo were la min te nin ye. An be Ala

tanu ko aw numan sera. N ni nɛmogow be nogon ye su in na ; min mana bo o la aw n'o men sini."

Mɔbili donna kan kono ; a taar'i jo an ka so da la. Koro jiginna anw fe ka don so kono; daraka tun sigilen be tabali kan; mogɔ saba niyɔro. Koro be ko bee nesigi nka Ameriki taama in koni ma ne a bolo. An be jini ka tila darakadun na tuma min Jami ko :

- N koro,

- Naamu ne dogɔ mandi.

- Dɔnsen kura ka ta ten sa, ka jamana nɛmogow kumajogɔna, bawo olu ni anw bee be andin ka kelenya de nɔfɛ. "Koro y'a new waga i ko dijewulikuma de fɔra. A ko :

- An ka su in na nogonye be o de kan co. Ne tun t'a fe ka fen fo aw ye kasɔrɔ nogone ma ke. A b'i ko jamana nɛmogow fana y'o ci de bila ka na an ka kuntigw ma. Ko u te an kelle tugun. U ko n'an y'an fanga fara nogon kan an be se jugu la minnu b'a fe ka faso tila fila ye. Sabu jugu te fila ye; kelen don. Kuma be nin de kan su in na, Ala k'a ben sababa ma."

Koro y'o fo ka wuli k'i jo. Ne ni n muso fana wulila ka nogon laje. I n'a fo fen do de y'an nɔni ka ke nogon kan. An melekelen tora nogon na i ko mogɔ minnu famana nogon ma.

A.T.D

(Ne 3nan to)

senfe; o be ke forobakalada de ye. O kaladaw ka kan ka ke ni tlennenya ye, bce k'i ka tali ke gundo la.

Sariya 23nan : (1) Bce ka kan ni baara ye, bce ka kan ka kisi baarantanya ma; maa si man kan ka bila baara la min man di a ye. (2) Baarakela minnu ka baara hakew ye kelen ye, olu ka sara ka ke kelen ye. Wolomali si kana ke o la. (3) Baarakela bce ka kan ni sara ye min be a n'a ka denbaya musakaw bo ani k'u danbe lakana; ani fana ka fen fara sara kan min be banaw ni den kura nataw ni baarantana ni kasaraw jesigi. (4) Bce be se ka je ni tønøgon wørew ye ka jekulu sigi sen kan min be u ka nafaw lafasa.

Sariya 24nan : Adamaden bce ka kan ni lafinøbo ye a ka baara kono, bce ka kan ni nenaje ye fana. A ka baara kuntaala man kan ka damateme, a ka kan ni segennabo saralenw ye fana waati ni waati.

Sariya 25nan : (1) Adamaden bce ka kan ni soro ye a ka dinelatige la, soro min b'a ka kenyea n'a ka heere sabati (ale n'a ka denbaya). K'u ka balo ni fyørebo ni siso ni kenyea ani mako wørew sabati. A ka kan ka deme baarantanya man'a soro, wali bana, wali dese, wali a furunøgon banni, wali koro, wali sentanya jan o jan a yere no te min ye.

(2) Muso ka kñomaya n'a ka jibaatoya, ani den minnu ma balikuya, nin bce ye demekun ye ka taa baarakela ma. O deme mari kan ka denw woloma ; min wolola furu kono ani min ma wolo furu kono, bce ka kan.

Sariya 26nan : (1) Adamaden bce ka kan ka kalan, sara te kalan min na a dakun folo la, ni a wajibiyalen be bce kan fana. Feerekalan ni baarakalan ka kan ka forobaya. Kalansobaw fana ka kan ka dayele bce ye n'a kalan b'i la.

(2) Ladamuni kun te døwøre ye mogøbereya ko ani adamaden ka hakew n'u ka horonya labatoli. Ladamuni ka kan ka wolo nøgonfaamu na, ani ka nøgon nøne kun, ani fana ka ke nøgon ma teri ye; jamanaw ni nøgon ce, kabilaw ni nøgon ce, diinew ni nøgon ce.

(3) Yamaruya be bangebaaw de ye folo ka u denw ka ladabucogo sugandi.

Jurudon de ye jurusara ye

Numuke ye daba dila k'o di senekela ma, o ye koori sen. Muso ye koori parata, gesedala ye o gese da k'o ke fini ye. Fini dira kalalikela ma; o fini de file e kanna nin ye.

Numuke ni senekela ani kooriparatala ni gesedala, nin baarakelaw bce ka baara no be e ka fini in na. Ninnu bce ye baara ke e ye.

I ye dumuni min ke, o sababu bora senekela ni baganmarala ni waye ka baara la. Ani baarakela wørew i n'a fo mobilibolila min ye malo doni ani jagokela min y'a feere. E ka dumuni ke k'i fa o sababu bora ninnu bce de ka baara la.

O la sa, n'i y'i hakili jakabo, i b'a faamu ko mogø caman de niyørøbaara be e ka dinelatige sabatili la. A Ka kan i ka barika da o baarakelaw bce ye. Nka barikada døron te wasa ke; fo i fana ka i niyørøbaara de ke mogø tow ye.

Bawo jurudon de ye jurusara ye. Juru sarali ye wa jibi ye cogo min, baara fana ye wajibi ye bce ma ten.

Baara de be maa horonya

A be fo ko ni cew ma kele sebaa te don. Ce fila kellela, sebaa donna. Laada la, sentan be sebaa de ka bila la. Sebaa ko sentan in ma : "Ne te i faga nka i be n ka baara bce ke n ye. Ne yere te foyi ke bilen; e be ke ne ka jøn ye. O de be ke i fagabaliya sarati ye."

U benna o kan. Jønke in be baara ni magwan sugu bce ke a matigike ye. U menna o cogo la ka san caman ke ten, fo a nana ke jønke sera baara sugu bce la, ko foyi te a kñonafili. A nana ke fana horonke in desera a ka baara bce la ; a te se ka foyi ne a yere ye bilen. A ka ko bce de nana siri a ka jønke la.

A nana ke sisani, horonke de ni be jønke ka bila la : jønke mana i ban ka baara ke a ye døron, a be sa ; bawo a tøna dumuni ke. Ni horonke nana ke ko ale de sirilen don jønke la, o y'a ka horona bannen ye. Horonke kera jønke ka jøn ye. Fen min be se k'a ka horonya segin a ma o ye. Baara døron de ye. Baara de be mogø ke horon ye.

A fasirila ka bo fransikan na A.T.D fe